

Cambridge University Press

978-1-108-05233-7 - Liber Qui Dicitur Flores Historiarum Ab Anno Domini MCLIV Annoque
Henrici Anglorum Regis Secundi Primo: Volume 2

Roger of Wendover Edited by Henry G. Hewlett

Excerpt

[More information](#)

ROGERI DE WENDOVER LIBER QUI
DICITUR FLORES HISTORIARUM:

AB ANNO DOMINI MCLIV. ANNOQUE

HENRICI ANGLORUM
REGIS SECUNDI PRIMO.

VOLUME II.

U 51972. Wt. 8433.

A

Cambridge University Press

978-1-108-05233-7 - Liber Qui Dicitur Flores Historiarum Ab Anno Domini MCLIV Annoque
Henrici Anglorum Regis Secundi Primo: Volume 2

Roger of Wendover Edited by Henry G. Hewlett

Excerpt

[More information](#)

Cambridge University Press

978-1-108-05233-7 - Liber Qui Dicitur Flores Historiarum Ab Anno Domini MCLIV Annoque
Henrici Anglorum Regis Secundi Primo: Volume 2

Roger of Wendover Edited by Henry G. Hewlett

Excerpt

[More information](#)

ROGERI DE WENDOVER LIBER QUI
DICITUR FLORES HISTORIARUM.

*De oleo imaginis Dei genitricis mirabiliter
incarnato.*

Eodem anno, feria tertia ante Paschalem solemnitate, contigit miraculum omni laude dignissimum de oleo imaginis matris Dei apud Sardenai in hunc modum. Accidit in carcere militum Christianorum in castro Damasceno, quod miles quidam extraheret de armario suo fiolam unam, in qua posuerat de oleo illo, quod de iconia Dei genitricis apud Sardenai distillat; sed cum diligenter fiolam illam inspexit, in qua oleum reposuerat lucidissimum et velut aquæ fontis perspicuum, apparuit in ea oleum incarnatum sed in duas partes divisum, hærebat namque una pars olei inferiori parte fiolæ et altera superiori. Miles autem accipiens cultellum suum voluit conjungere partem superiorem cum parte inferiori, sed, continuo ut acies cultelli oleum illud incarnatum tetigit, videntibus capellanis militibusque captivis et cæteris universis, guttæ sanguinis inde cunctis admirantibus effluerunt; et, quoniam plerique de hac matris Dei imagine veritatem ignorant, dignissimum est, ut, quam habuit originem, ad laudem ejusdem matris Dei nescientibus referamus.

*De initio memoratæ imaginis et quibusdam miraculis
ejusdem.*

Fuit apud Damascum, metropolim Syriæ civitatem, venerabilis quædam matrona, quæ sanctimonialis habi-

Cambridge University Press

978-1-108-05233-7 - Liber Qui Dicitur Flores Historiarum Ab Anno Domini MCLIV Annoque
Henrici Anglorum Regis Secundi Primo: Volume 2

Roger of Wendover Edited by Henry G. Hewlett

Excerpt

[More information](#)

A.D. 1204. [—]tum suscipiens Deo devotissime servire studebat; et, ut liberius divinis vacaret obsequiis, civilem declinans tumultum sexto ab urbe prædicta milliaro ad locum Sardenai appellatum recessit, ibique domum sibi et oratorium in honorem sanctæ Dei genitricis Mariæ ædificans hospitalitatis officium devote peregrinis et pauperibus exhibebat. Contigit autem monachum quendam de urbe Constantinopolitana orationis gratia et sacra Hierusalem loca visitandi venire, qui a sanctimoniali præfata in hospitium est caritative receptus; quem cum cognovisset ad sanctam tendere civitatem, rogavit eum humiliter et devote, ut rediens adferret secum de sancta civitate Hierusalem iconiam quandam, id est¹ quandam tabulam depictam, quam in oratorio suo poneret et quæ sibi oranti Dei genitricis imaginem repræsentaret. Ille vero fideliter promisit se iconiam illi delaturum. Qui cum Hierosolymam pervenisset, expletis orationibus suis,² immemor promissi redire disposuit; cumque iter arripiens a civitate fuisset egressus, ecce vox emissa de cælo dixit ad eum, “ Quomodo manu “ vacua siccine recedis? Ubi est iconia, quam te “ sanctimoniali delaturum promisisti?” Et rei memor monachus effectus in civitatem reversus est, et veniens ad locum ubi iconiæ vendebantur unam, quæ sibi placuit, comparavit et secum rediens reportavit; et cum venisset ad locum, qui Gith appellatur, ubi leo ferox et hominum devorator in spelunca latebat, monacho venienti occurrens humiliter cœpit lambere pedes ejus, a quo, divina eum protegente gratia, illæsus evasit. Deinde latronum perpessus insidias, cum manus in eum violentas³ extendere decrevissent, angelica eos voce increpante adeo perterriti sunt, quod nec loqui nec se movere aliquatenus potuerunt. Tunc monachus iconiam, quam tenebat, diligenter inspiciens

¹ Quandam id est wanting in C.² Sui in D.³ Violentes in D.

Cambridge University Press

978-1-108-05233-7 - Liber Qui Dicitur Flores Historiarum Ab Anno Domini MCLIV Annoque
Henrici Anglorum Regis Secundi Primo: Volume 2

Roger of Wendover Edited by Henry G. Hewlett

Excerpt

[More information](#)

aliquid divinæ virtutis in ea latere cognovit; et secum A.D. 1204. deliberans, ut iconiam ad suam deferret patriam, sanctimoniam defraudando, inaniter laborabat. Tunc veniens ad Achon civitatem navem intravit, volens repatriare, si possit; cumque dies aliquot velis cucurrissent patentibus, ecce subito tempestate suborta adeo periclitari cœperunt, ut singuli, quæ sua erant, in mare projicerent. Monachus autem cum suum sacculum inter alios vellet undis committere, dixit ad eum angelus Domini, "Vide ne feceris, sed leva iconiam in manibus tuis reverenter ad Deum;" qui angeli obtemperans jussionibus iconiam in altum levavit et continuo tempestas quievit; ignorantibus autem illis quo pergerent, ad Achon civitatem reversi sunt. Tunc monachus de imagine Dei intelligens voluntatem, suisque promissionibus satisfacere cupiens, ad sanctimoniam rediit et ab ea beneficium hospitalitatis suscepit; ignotus tamen ei erat propter hospitem frequentiam, et ideo iconiam ab eo non requisivit; monachus vero hoc ipsum advertens cogitavit cum ipsa iconia ad propria remeare. Mane autem facto, cum abeundi licentiam impetrasset, gratia orationis oratorium intravit, et, cum facta oratione exire voluit, ostium invenire non potuit; ponens ergo quam tenebat iconiam super altare oratorii, ostium vidit apertum, et, cum iterum assumpta iconia ab oratorio exire moliretur, quo egrederetur non invenit. Videns tandem monachus circa iconiam divinam virtutem, posuit eam in oratorio super altare, et rediens ad sanctimoniam fœminam omnia per ordinem retulit, quæ de iconia mirabiliter, ut superius relatam est, gesta sunt; dixit ergo divinam esse voluntatem, ut iconia ibi remaneret et debito ibidem veneraretur obsequio. Accepit ergo imaginem sanctimonialis, benedicens Dominum ejusque genitricem de omnibus quæ sibi monachus revelavit; monachus quoque in eodem loco residuum vitæ suæ peragere decrevit, propter virtutes, quas Deum fecisse cognove-

Cambridge University Press

978-1-108-05233-7 - Liber Qui Dicitur Flores Historiarum Ab Anno Domini MCLIV Annoque
Henrici Anglorum Regis Secundi Primo: Volume 2

Roger of Wendover Edited by Henry G. Hewlett

Excerpt

[More information](#)

A.D. 1204. rat per imaginem suæ sanctæ genitricis. Cœpit iconia
deinceps valde ab omnibus venerari, et cœperunt omnes
in ea Dei magnalia admirari.

Ut imago Dei genitricis olei liquorem emisericit.

His ita gestis, fœmina sanctimonialis locum præpara-
rans, ut sibi videbatur, honestiorem, in quo imaginem
poneret, rogavit presbyterum quendam, tanquam se
digniore et morum honestate præditum, ut credebatur,
ut vestibus sacris indutus ad iconiam accederet et eam
ad locum prænominatum transferret. Ille autem vere-
batur nimis eam tangere, quia a tempore illo, quo
super altare posita fuerat, sudare cœpit et liquorem
olei lucidissimum emittere non cessavit; quam desuda-
tionem fœmina sanctimonialis prius cum sindone
munda detergens, postea vasculum paravit æneum et
liquorem recepit; quem cum in nomine Domini ejus-
que genitricis infirmis tribuisset, a variis languoribus
illico sanabantur et hucusque sanantur. Presbyter
autem prædictus ad imaginem temere¹ accedens ut
eam transferret, protinus, cum liquorem ex ea manan-
tem tetigit, arefactæ sunt ejus manus et post triduum
migravit ad Dominum. Postea vero nullus præsump-
sit imaginem, præter solam sanctimoniam, tangere,
vel eam de loco movere. Tunc fœmina religiosa subter
iconiam vasculum præparavit vitreum, in quo liquor
ab imagine fluens reciperetur et infirmorum necessita-
tibus servaretur.

Ut eadem imago mamillas carnis produxerit.

Procedente denique tempore, res dictu mirabilis
contigit et hactenus inaudita, nam imago præfata,

¹ Temerari in D.

Cambridge University Press

978-1-108-05233-7 - Liber Qui Dicitur Flores Historiarum Ab Anno Domini MCLIV Annoque
Henrici Anglorum Regis Secundi Primo: Volume 2

Roger of Wendover Edited by Henry G. Hewlett

Excerpt

[More information](#)

FLORES HISTORIARUM.

7

admirantibus cunctis, cœpit paulatim mamillas carnis, A.D. 1204.
emittere et mirabiliter carne vestiri; unde hucusque
a mamillis deorsum carne videretur induta, a quo
liquor ille incessanter distillat; quem liquorem fratres
Templi ad domos suas deferunt, cum inducias habent
a paganis, ut peregrinis orationis gratia adventantibus
inde distribuunt, qui honorem Dei genitricis in di-
versis mundi partibus reverenter attollant. Sunt
autem monachi in quadam parte monasterii divinum
agentes officium; sed dignitas et magisterium sancti-
monialium est propter reverentiam prædictæ mulieris,
quæ locum illum prius inhabitavit et in honorem
sanctæ Mariæ Dei genitricis oratorium fabricavit.

Ut Soldanus quidam per imaginem visum receperit.

Contigit in illis diebus Soldanum Damascenorum,
qui monoculus fuerat, in oculo cum quo videbat infir-
mari, [et] visum penitus amittens cæcus effectus est;
qui audiens de imagine memorata, per¹ quam Deus
tanta operabatur miracula, venit ad locum et orato-
rium intravit, et, licet paganus esset, fidem in Domino
habuit, quod per imaginem suæ genitricis sibi sanitas
redderetur, et procidens in terram diu prostratus ora-
vit; surgens autem ab oratione vidit ignem in lam-
pade ardentem, quæ ante imaginem genitricis Dei
Mariæ pendebat, et visum se recepisse gavisus est.
Glorificavit ergo Deum, et omnes qui hoc cum ipso
viderunt; et, quia primum lucem² viderat in lampade
coruscantem, votum vovit Domino, quod annuatim
deinceps daret sexaginta metretas olei ad luminaria
ejusdem oratorii, in quo per merita beatæ Dei geni-
tricis Mariæ visum receperat.³

¹ Pro in D. and C.

² Lumen in D.

³ Recept in D.

*Ut Normannia cum cæteris terris transmarinis in
dominium regis Francorum cesserint.*

A.D. 1204. Circa dies istos exercitus regis Francorum, qui jam fere per annum castellum de Rupe-Andeliaci obsederat, per subfossos magnam murorum prostraverat portionem. Rogerus vero, Cestrensis constabularius, vir magnificus et bellicosus, Francigenis castrum intrare volentibus ingressum fortiter denegabat; sed tandem victu sibi deficiente, cum ad tantam perductus fuisset inopiam, quod nec unicam haberet alicujus pabuli refectionem, maluit armis quam fame mori; unde ipse et commilitones sui armati ad equos convolantes de castro exierunt, multisque ex obstantibus interfectis, cum magna demum difficultate capti sunt. Cessit igitur castellum de Rupe-Andeliaci in usum regis Francorum pridie nonas Martii; et Rogerus de Lasci cum suis omnibus in Franciam adductus, rege Francorum jubente, propter probitatem suam, quam in castris custodia fecerat, sub libera custodia detentus est. Quo facto, castellani omnes de regionibus transmarinis, cum civibus et aliis regi Anglorum subjectis, nuntios direxerunt in Angliam, regi denuntiantes sub qua essent calamitate constituti, et quod tempus instabat induciarum, quo oportebat eos civitates et castella regi Francorum reddere, vel obsides quos illi dederant ad perdendum tradere; quibus rex Johannes respondit et per nuntios omnibus significavit, ut nullum omnino ab ipso exspectarent auxilium, sed facerent singuli quod sibi melius videbatur; sicque, omnimoda defensione in partibus illis deficiente, tota Normannia, Turonica, Andegavia et Pictavia, cum civitatibus, castellis et rebus aliis, præter Rupellam, Toarz et Niorz castella, sunt in regis Francorum dominium devoluta. Quod cum regi Anglorum nuntiatum fuisset, omnimodis cum regina sua videbat deliciis, cum qua simul se credit omnia possidere;

Cambridge University Press

978-1-108-05233-7 - Liber Qui Dicitur Flores Historiarum Ab Anno Domini MCLIV Annoque
Henrici Anglorum Regis Secundi Primo: Volume 2

Roger of Wendover Edited by Henry G. Hewlett

Excerpt

[More information](#)

habebat præterea spem in immensitate pecuniæ quam A.D. 1204.
collegerat, quasi per ipsam posset terras quas amiserat
revocare.

*De morte Godefridi, Wintoniensis episcopi, et
successione Petri de Rupibus.*

Eodem anno, kalendis Aprilis, in prima noctis
vigilia tantus rubor in cælo apparuit in parte aquilo-
nari et orientali, ut verus ignis ab omnibus credere-
tur, et, quod mirandum est, in ipso rubore vehemen-
tissimo stellæ micantes apparuerunt; duravit autem
hæc visio usque ad noctis medium.

Eodem tempore Godefridus, Wintoniensis episcopus,
diem clausit extremum, sui successit Petrus de Rupi-
bus, vir equestris ordinis et in rebus bellicis eruditus;
qui, procurante rege Johanne, ad episcopatum electus
Romam profectus est, ubi magnis xeniis liberaliter
collatis ad ecclesiam Wintoniensem maturavit episco-
pus consecrari.

Eodem etiam anno fuit ultimum Paschæ¹ in die
videlicet sancti Marci evangelistæ.

De quibusdam notabilibus.

Anno gratiæ MCCV. rex Johannes celebravit natale A.D. 1205.
Domini apud Theokesberi vix per spatium unius diei;
et eodem mense Januarii terra vehementissime conge-
lata a decimo nono² kalendas Februarii usque ad
undecimum kalendas Aprilis agriculturam suspendit,
unde in æstate sequenti summa frumenti³ quatuorde-
cim solidis vendebatur.

Eodem anno circa Pentecosten rex Johannes con-
gregavit exercitum grandem, quasi mare transiturus,
et, prohibente sibi Cantuariensi archiepiscopo et aliis

¹ Ultima Pascha in D.

² Tricesimo in D.

³ Summa frumenti wanting in D.

Cambridge University Press

978-1-108-05233-7 - Liber Qui Dicitur Flores Historiarum Ab Anno Domini MCLIV Annoque
Henrici Anglorum Regis Secundi Primo: Volume 2

Roger of Wendover Edited by Henry G. Hewlett

Excerpt

[More information](#)

A.D. 1205. multis, apud Portesmuthe navium multitudinem copiosam coadunari fecit; deinde rex cum parvo comitatu idibus Julii naves ascendit, et velis patentibus Neptuno se committens, mutato consilio, die tertio apud Stodlandt juxta Warrham applicuit. Reversus autem rex cepit de comitibus, baronibus, militibus et viris religiosis pecuniam infinitam, occasiones prætendens, quod nollent ipsum sequi ad partes transmarinas, ut hæreditatem amissam recuperaret. Eodem tempore redditum est castellum de Chinun regi Francorum in vigillia sancti Johannis Baptistæ.

De morte Huberti, Cantuariensis archiepiscopi, et electione supprioris Cantuariensis ecclesiæ.

Eodem tempore Hubertus, Cantuariensis archiepiscopus, apud Tenham diem clausit extremum tertio idus Julii, rege admodum gaudente, quia de regis Francorum nimia familiaritate suspectus habebatur. Defuncto itaque archiepiscopo, antequam corpus ejus sepulturæ traderetur, adolescentes quidam de conventu Cantuariensis ecclesiæ, regis consensu non requisito, Reginaldum suppriorem suum in archiepiscopum elegerunt, et media de nocte, post factam electionem, hymno "Te Deum laudamus" cantato, prius supra majus altare ac deinde in archiepiscopali cathedra posuerunt; verébantur enim, quod, si electio sine regis consensu facta ad ipsius aures pervenisset, ipse processum negotii impedire laboraret, unde nocte eadem idem supprior, præstita cautione juratoria, quod sine licentia et literis specialibus conventus se electum non gereret, vel literas conventus de rato, quas habebat, alicui promulgaret, assumptis secum de conventu quibusdam monachis, curiam Romanam adivit. Hoc autem totum factum est, ut electio illa regem lateret donec probarent si rem inchoatam in curia Romana possent perducere ad effectum. Sed electus præfatus, statim ut in Flan-